

Kahwin bajet **RM6k**

Pasangan muda rencana persiapan sendiri dengan belanja minima

Oleh Omar Ahmad
am@hmetro.com.my

Johor Bahru

Ketika negara dilanda pandemik Covid-19 ini, soal kewangan perlu diurus dengan bijak termasuk urusan majlis perkahwinan supaya sempurna walaupun menggunakan perbelanjaan murah.

Itu yang dilakukan pasangan muda Nurin Amira Nor Hisam, 23, dan Muhammad Nazliwadi Abdullah Sani, 24, dalam majlis perkahwinan yang berlangsung di Bandar Baru Kulai di sini, pada 17 Mac lalu.

Menurut Nurin Amira, dengan bajet RM6,000 semua persiapan direncanakan sendiri termasuk peralihan, hantaran, cenderahati tetamu, jamuan makan, pelamin, solekan dan penginapan bagi keluarga suami.

"Baju nikah saya dan suami, warna biru lembut dan baju majlis sanding warna merah hati dibeli secara dalam talian harga RM423.

"Pelamin harga RM280 siap bunga tangan, RM300 untuk solek, inai RM165 dan jamuan makan tetamu secara katering RM2,320 serta kek pengantin berharga RM97. Bagi cenderahati tetamu saya buat 150 dengan bajet RM250 iaitu air mineral dan telur pindang.

"Saya tidak sangka perkahwinan bajet kami men-



MUHAMAD Nazliwadi dan Nurin Amira melangsungkan perkahwinan di Bandar Baru Kulai 17 Mac lalu.



PERKAKASAN elektrik yang dijadikan barang hantaran.

jadi viral. Niat saya hanya mahu kongsi kepada bakal pengantin supaya dapat berjimat dalam keadaan sekarang ini," katanya ketika dihubungi semalam.

Nurin Amira yang juga anak tunggal perempuan dari tiga beradik berkata, ramai bertanya mengapa saya tidak menyewa baju pe-

ngantin.

Katanya, disebabkan tugas hakiki sebagai anggota keselamatan, dia dan suami tiada masa mencuba pakaian di butik pengantin.

"Untuk hantaran, saya pilih perkakasan elektrik seperti dapur gas, pemanas air, seterika, pengisar makanan, set pengukus, pem-

besar suara, mikrofon, set pinggan dan teko.

"Saya jarang pakai aksesori seperti kasut tumit, beg tangan dan sebagainya. Jadi saya rasa lebih memerlukan perkakasan itu daripada aksesori diri.

"Malah, set pembesar suara dan mikrofon hantaran digunakan untuk memeriahkan majlis perkahwinan kami.

"Semua persiapan dibuat sendiri dan ahli keluarga. Kos kad kahwin memang jimat sebab saya ada pengalaman pereka grafik," katanya yang juga anggota Tentera Laut Diraja Malaysia (TLDM) Tanjung Gelang, Kuantan, Pahang.

Menurut Nurin Amira, keluarganya tidak menghalang malah gembira dengan apa yang dilakukan kerana musim majlis gah dan mewah sudah berlalu.